



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

Qualiter te ipsum consolaberis in Christo. IV.

[urn:nbn:de:hbz:466:1-45790](#)

& à summo virtice usque ad plantam pedis, sine tentatione nihil vacat in ipsis. Nam modò iubentur exteriora, modò compelluntur ad sui custodiam introire; nunc huc illucq; discurrere, nunc etiam quieti insistere; modò paulo plus vigilare, & paule post vigilias nequaquam protrahere: nunc quodlibet protinus abiicere, nunc quod horrent, sine mora perficere. Si est ali. Martyrij species quædam est sibi toutes per obedienciam mori

quod genus supplicij, quod martyres facit; tunc maximè illi martyres sunt, qui roties verbo Dei, tanquam gladio submissi plectuntur; quoties sibi ipsis per obedientiam moriuntur. O quam sublimiter de talibus filiis gloriari potest sponsa Christi mater ecclesia dicens: Manus meæ distillauerunt myrrham, & digitæ meæ pleni myrrha probatissima.

§.3. *Declaratio literalis, Introduxit me rex in cellaria sua.*

**A**ccipe & aliud verbum ex ore Sponsi, aptum ministerio tuo, quod etiam prius putabam inducere ad consolationem: sed præuenit me Deus quasi nescienter, docens me primum debere mihi meti ipsi interius mori, antequam dignè possem aliis foris deseruire. Vtputa si adhuc impatiens in paruis unctionibus esset, qualiter tunc aliorum infirmitates bene sustinerem. Et si adhuc superbus esset animus meus, quomodo portarem sine murmure murmurations, sine contradictione detractiones, & indiscretorum mores. Constat namque quod patientia & humilitas, summè necessaria sunt ministrantibus. Est autem intentum verbum istud, quod sponsa cum multa etiam iucunditate loquitur, dicens: *Introduxit me rex in cellaria sua.* Habeat ipsa intellectum huius verbi, in ministerio Christi absconditum. Tu æstima apud te magnum, si inueniatur etiam in te per opus aliud extrinsecum, æquè ipsi gratum. Nam si hoc ipsum verbum (*Introduxit me rex, &c.*) traxerit quis ad boni cellarii officium, inueniet utique plenum sensum & perfectum, intus sapidum, & foris non otiosum.

Patientia & humilitas in Officiis cum primis necessariæ.

Cant. I.

§.4. *Qualiter te ipsum consolaberis in Christo.*

**P**ropterea libenter & perseveranter age, quod agis, & quodā mentali gaudio utere in opere tuo, retinens apud te verbum suavitate plenum; *Introduxit me rex in cellaria sua.* Hæc enim voluntas Patris tui, qui in celis est, & eius qui in terris; ut ita facias, sicut ordinatum est tibi. Nam potes coram iudicantibus te confidenter protestari, quia non ego ipse introduxi me, sed introduxit me rex in cellaria sua: Deus rex cœli & terræ, maris & omnium quæ in eis sunt, rex magnus super omnes reges: qui cuncta sapienter regit, quæ potenter creavit: rex potens, rex cle-

Explicatio paraphrastica huius ex Cantico sponsæ: Introductum me rex, &c. iuxta literam & spiritum.

S. f. 3

mens,

mens, solus, & singularis rex, regens etiam eos qui reges vocantur, rex regum & Dominus dominantium mecum dispositus, & in me fieri voluit; ut aliquo saltem tempore vita mea, ego pauper & indignus homuncio implere ministerium istud, respiciendo ad ea, quae sub cura cellarii posita sunt. Siue enim ideo ordinauit, ut qui ad maiora & altiora vitae contemplationem minus valui, in bona saltem actionis vita fructum haberem; siue ut humilitatis & patientiae & ceterarum virtutum profectum, ad meis utilitatibus melius sic apprehenderem; siue ut eius dumtaxat voluntatem hoc modo plenaria mei abnegatione facerem; siue quoquaque alio occulto beneplacito eius (mihi tamen semper placito) nequaquam dissentio, non contradico, non refugio; sed gaudeo & gaudebo de tanto iniuncto scrutio, quia introduxit me in cellariam sua. Hic etiam pater noster vicarius & amicus Dei, in me hoc ipsum adimpleri voluit; ut fratribus domus huius, meo pauperculo labore subseruirem; & ego paratum me esse cupio, quandiu valeo vel pede mouere. Si ita incipis sapere, & tanquam diuinum considerare beneplacitum; tunc & hilariter ac reuerenter, omnia perficere delectabit animam tuam. Sed ad quid introduxit te pensare etiam habes, nec ignorare causam vitem debes. Non enim ideo introductus es, ut tu fruaris bonis illicitis repositis, alii in diuina sustineant. Sed potius intelligas, idcirco te vocatum & introductum, ut per tuum laborem aliis sit requies; per tuam curam & prouidentiam, subleuentur pauperes Christi: ita ut necessitate aduentante, tibi interdum subtrahas, unde pascatur esuriens & sitiens Christus; & ex bono opere fraternalis dilectionis, tu ipse plus reficiaris in corde, quam caro tua cibo aliquo corporeo. Tunc proficies maximè in tam sancto officio, si spiritualem requiris fructum; non curans aliquod terrenum commodum vel incommodum; sed indefesso mentis desiderio, praeter solum Deum non optas possidere thesaurum aliquem in terris; neque aliud quodcumque lucrum expectas de labore tuo, quam caelestem vitam & gloriam aeternam in futuro cum Christo. Nam te perseverante, & omnia perficiente secundum eius bonam voluntatem, faciet ipse tandem tecum hanc gratiam, ut merearis eius intueri faciem perennis gloriae; & tanto dulcius & sublimius sentias verba huius amoris cantici verificari in te, quanto gloriosior est illa caelestis domus, abundans cellariorum optimis diuersorum meritorum sanctorum, quam haec paupercula & lutea domus paruo contenta cellariorum, in quo absconduntur virtualia ad sustentationem fratrum nostrorum, pauperum & peregrinorum: ita ut dicas in dulcedine animae tuae, *Introduxit me rex in cellariam suam.*

§. 5. Dua

